

472  
1940/2

### შ ი ნ ა ა რ ს ი

- |  |   |  |    |
|--|---|--|----|
| 1. ბრძანება № 1398—სსრკ-ის ხალხთა ისტორიის, მსოფლიო ისტორიის და სსრკ-ის კონსტიტუციის სწავლების გაუმჯობესების შესახებ . . . . .                         | 2 | (1) ლიტსაგანმანთლებლო მუშაობის მდგომარეობის შესახებ . . . . .  | 6  |
| 2. ბრძანება № 1400—მოზრდილთა ა/ს საშ. და საშ. სკოლების ქსელის მოწესრიგების შესახებ . . . . .   | 3 | (2) 6. ინსტრუქცია—სკოლისა და მასწავლებლის მუშაობაზე ხელმძღვანელობის გაუმჯობესებისა და მოსწავლეთა ცოდნის შეფასებაში თვალის ახვევის შემთხვევათა წინააღმდეგ ბრძოლის შესახებ . . . . . | 9  |
| 3. ბრძანება № 1401—თბილისის ყრუ-მუნჯთა, უსმართლოთა და განსაკუთრებული რეჟიმის სკოლა-საბავშვო სახლების რესპუბლიკურ ბიუჯეტზე გადაყვანის შესახებ . . . . . | 4 | (3) 7. აკაკი წერეთლის დაბადებიდან 100 წლისთავის ჩატარების შესახებ . . . . .  | 14 |
| 4. ბრძანება № 1402—თბილისის მოზრდილთა №15 საშ. სკოლის მუშაობის გამოცვლევის წესების შესახებ . . . . .   | 5 | (4) 8. დროებითი დებულება პიონერთა და მოსწავლეთა სახლისა . . . . .  | 16 |
| 5. ბრძანება № 1147—გურჯაანის რაიონში პოლიტსაგანმანთლებლო მუშაობის მდგომარეობის შესახებ . . . . .   | 5 | (5) 9. დებულება საბავშვო ბაღთან არსებულ მშობელთა კომიტეტისა . . . . .  | 18 |

სსრკ-ის ცენტრალური კომიტეტი

გ. ან ს ა ხ კ ო მ ი  
თ ბ ი ლ ი ს ი - 1940





სსრკ-ის ხალხთა ისტორიის, მსოფ ლიო ისტორიის და სსრკ-ის კონსტიტუციის სწავლების გაუმჯობესების შესახებ.

საქ. სსრკ-ის დაწყებით, არასრულსამუალო და სამუალო სკოლებში სსრკ-ის ხალხთა ისტორიის, მსოფლიო ისტორიისა და სსრკ-ის კონსტიტუციის სწავლების შემდგომი გაუმჯობესების მიზნით ვატარდეს შემდეგი ღონისძიებანი:

1. დაევალოს სახელგამს მიმდ. წლის 1/8-მდე უზრუნველყოას „ისტორიის მეთოდური სახელმძღვანელო“ მე-3 და მე-4 წიგნისა და „ძველი ისტორიის“ გაკვეთილების მასალათა კრებულის (5—6 კლასებისათვის) 1-ლი წიგნის გამოცემა.

2. სახელგამის 1941 წლის საგამომცემლო გეგმაში შეტანილ იქნას და გამოიცეს: 1) ნიკიტოროვისა და სხვ. „ძველი ისტორიის ალბომი“, 2) სსრკ-ის კონსტიტუციის სწავლების თვალსაჩინოებისათვის საჭირო სათანადო სქემები და დიაგრამები და 3) ისტორიული სურათები: „პირეის ნავსადგური“, „სამეთენეო სახელოსნო ათენში“, „სახალხო კრება ათენში“.

3. დაევალოს სახელგამის სავაჭრო სამმართველოს (ამხ. ხარაზიანს) და თვალსაჩინო ხელსაწყობების თბილისის ბაზის დირექტორს ამხ. მ. თაბუკაშვილს: დამატებით მისცენ ისტორიული რუკების შეკვეთა და ამით დააჩქარონ საქართველოს სკოლების დროულად მიამარაგება; გამოიწერონ ისტორიის თვალსაჩინო სწავლებისათვის საჭირო დიპლომატიკების სერია, რომელსაც გამოსაცემად ამაღლებს მოსკოვის სახელმწ. პედაგოგიური ინსტიტუტისა და მოსკოვის საოლქო განათლ. განყოფილების თვალსაჩინო ხელსაწყობების სახელოსნო, თემაზე: „სსრკ-ის ხალხები უცხოელ დამპყრობელთა წინააღმდეგ ბრძოლაში“.

4. ბავშვთა მხატვრული ალბრდის ცენტრალური კაბინეტის მიერ წარმოდგენილი ისტორიული სურათების კომპლექტი სარეცენზიოდ გადაეცეს დაწყებითი და სამუალო სკოლის საკვლეგო-სამეცნიერო ინსტიტუტს და, მოწონების შემთხვევაში, ალბომის სახით მისი გამოცემა დაევალოს სახელგამს 1941 წელს.

5. დაევალოს მასწავლებელთა დახლოვნების ინსტიტუტის დირექტორს—ამხ. ა. მქედლიძეს — მაღალკვალიფიციური ლექტორების საშუალებით უზრუნველყოას უშუალოდ პროგრამული თემების მიხედვით, ლექციების ჩატარება III-IV და V—X კლასების ისტორიის მასწავლებელთათვის საქართველოს რაიონებში (მიმდ. სასწ. წლის მეოთხე მეოთხედისა და მომავალი სასწავლო წლის განმავლობაში).

6. დაევალოს თბილისის საბჭოს განათლების განყოფილების პედაგოგიკის სისტემატურად მოაწყოს ლექციები V—X კლასების ისტორიის მასწავლებელთათვის. უშუალოდ პროგრამულ თემებზე: გააძლიეროს ამ მხრივ მასწავლებლებისადმი დახმარება განსაკუთრებით მიმდ. სასწ. წლის მეოთხე მეოთხედის განმავლობაში.

7. დაევალოს სკოლის დირექტორებს (გამგეებს), — უახლოეს დროში შეავსონ სასკოლო ბიბლიოთეკები ისტორიული შინაარსის უკვე გამოცემული პოლიტიკური და მხატვრული ლიტერატურითა და თვალსაჩინო ხელსაწყობებით (ისტორიული რუკებით, ალბომებით, სურათებით და სხვ.).

8. სკოლებში არსებულ ისტორიის წრეებში სისტემატურად მოეწყოს ისტორიულ პირთა ცხოვრებისა და მოღვაწეობის გაცნობა-შესწავლა, ალბომების შედგენა, ა-



ტორიული ადგილების ჩვენება მოსწავლე-  
ებინათვის და სხვა.

9. დაევალოს საშუალო სკოლის სამმარ-  
თველოს სათანადო სპეციალისტების დახმარ-  
ებით მოამზადოს ისტორიული შინაარსის  
დიაბოზიტივების მასალები ძირითად თემა-  
ზე: „ქართველი ხალხი უცხოელ დამპყრო-

ბელთა წინააღმდეგ ბრძოლაში“; ამ მიზ-  
ნით, მოსამზადებელი მუშაობისათვის და-  
ლბულ იქნას 5000 მან.

საფუძველი: განსახკომის კოლეგიის 1940  
წლის 26 მარტის დადგენლება.

საქ. სსრ განათლ. სახ. კომისარო  
ბ. კიკნაძე

## ბრძანება № 1400

განათლების სახალხო კომისარიატისადმი  
1940 წლის 10 აპრილს.

მოზრდილთა არასრული საშუალო და საშუალო სკოლების ძმების  
მოწესრიგების შესახებ.

გამოკვლევით დადასტურებულია, რომ  
ჯერ კიდევ არ არის სათანადო მოწესრი-  
გებული მოზრდილთა არასრული საშუალო  
და საშუალო სკოლების ქსელი. რიგ სკო-  
ლებში—თბილისის 1, 2, 43, 9, 11, არუხ-  
ლინის (ლიუქსემბურგის რაიონი) და სხვა-  
გან არსებობს მცირე კონტიგენტიანი პარა-  
ლელური კლასები.

მაგ.: არუხლინის სკოლაში მე-5 პირველ  
და მე-5 მეორე კლასებში სიით ირიცხება  
45 მოსწავლე, ხოლო მეცადინეობაზე თვი-  
თულ კლასში ცხადდება 5—6 მოსწავლე.  
ანალოგიური მდგომარეობაა თბილისის  
1-ლი, მე-4, 9, 11 და სხვა სკოლებში.

წარმოდგენილ მასალიდან ირკვევა, რომ  
კლასების დაკომპლექტების დროს განათ-  
ლების განყ. გამგეები და სკოლის დირექ-  
ტორები არ იცავენ განსახკომის დირექტი-  
ვებს იმის შესახებ, რომ მოზრდილთა სკო-  
ლებში უნდა სწავლობდნენ—მუშები, კოლ-  
მეურნეები და მოსამსახურეები წარმოები-  
დან მოუწყვეტლად.

თბილისის მოზრდილთა ა სრ. საშუალო  
და საშუალო სკოლებში ჩატარებული გა-  
მოკვლევებით დადასტურდა აგრეთვე, რომ  
მოზრდილთა სკოლებში მოსწავლეთა 25%/6

ბავშვთა სკოლის კონტიგენტია. შემჩნეუ-  
ლია აგრეთვე, რომ მასობრივი სკოლის  
ზოგიერთი დირექტორი თავისი სკოლის აკა-  
დემიურად ჩამორჩენილ მოსწავლეებს გან-  
განყოფილების დახმარებით რიცხავენ მო-  
ზრდილთა სკოლებში—მაგ.: თბილისის მე-9  
საშ. სკოლის დირექტორმა (ამხ. დოჭვირი)  
პედსაბჭოს სხდომაზე გამოიტანა შემდეგი  
დადგენილება: „მოსწავლე სხირტლაძე, რო-  
გორც უღისციბლინო, რომელიც აწარმო-  
ებს წერილების მიწერ-მოწერას, ზელს უშ-  
ლის გაცვეთილების ჩატარებას, არანორმა-  
ლური დამოკიდებულება აქვს ამხანაგებთან  
და სხვა, გადაყვანილი იქნენ მოზრდილთა  
საშუალო სკოლაში“ (ოქმი № 7. 28/12 —  
1939 წ.), დადასტურდა ის ფაქტიც, რომ  
მასობრივი სკოლიდან ხელიგნური მოქმე-  
დებისათვის გარიცხული მოსწავლე თბი-  
ლისის საბჭოს განათლების განყოფილების  
გამგის მოადგილის განკარგულებით ჩაირი-  
ცხა მოზრდილთა საშუალო სკოლაში. აღ-  
ნიშნულიდან გამომდინარე ვბრძანებ:

1. წინადადება მიეცეს რაიონების განა-  
თლების განყოფილების გამგეებს გადასინ-  
ჯონ მოზრდილთა არასრული საშუალო და  
საშუალო სკოლების ქსელი და 15 ივნისა-

მდე განსახკომში დასამტკიცებლად წარმოადგინონ იმ პარალელური კლასების გაერთიანების პროექტი; რომლებშიაც მოსწავლეთა დასწრება (თვითეულ კლასში) არ აღემატება 20-ს (გაერთიანება მოხდება იმ შემთხვევაში, თუ ამის შესაძლებლობას იძლევა საკლასო ოთახები); ხოლო თბილისის საბჭოს განათლების განყოფილების შიგერ იგივე პროექტი წარმოდგენილი იქნას 15 აპრილამდე, იმ ვარაუდით, რომ მცირე კონტიგენტის კლასების გაერთიანება, როგორც რაიონებში, ისე თბილისში ჩატარდეს მომავალ სასწავლო წლის დასაწყისიდან.

ქ. თბილისის მოზრდილთა ა.ა. საშ. და საშ. სკოლების პარალელური კლასების გაერთიანებას უხელმძღვანელოს მოზრდილთა განათლების სამმართველოს ინსპექტორებმა, ხოლო რაიონებში იმავე მუშაობის ჩატარებაში მონაწილეობა მიიღონ რაიონში მოვლინებულმა განსახკომის ინსპექტორებმა.

2. კატეგორიულად აიკრძალოს მოზრდილთა საშუალო სკოლაში იმ მოსწავლეთა ჩარიცხვა, რომლებიც ვარიცხული იქნენ მასობრივი სკოლიდან აკადემიური ჩამორჩენილობის ან ხულიგნური მოქმედებისათვის.

3. თბილისის მე-9 საშუალო სკოლის დირექტორს ამხ. დოჭვირს მიეთითოს იმის შესახებ, რომ მან არ იზრუნა მისი სკოლის მოსწავლის, სხირტლადის გამოსწორებაზე და უდისციპლინო მოსწავლესთან ერთად მოწირების მიზნით, პედსაბჭოსთან მომართა დადგენილება ამგვარ მოსწავლეს მოზრდილთა სკოლაში გადაყვანის შესახებ.

4. განსახკომის საგეგმო-საფინანსო სამმართველომ მოზრდილთა სკოლების ქსელი-სა და კონტიგენტის დაფინანსების დროს არავითარ შემთხვევაში არ დაუშვას მცირერიცხოვანი პარალელური კლასების დაფინანსება.

5. განათლების განყ-ბის გამგებმა და მოზრდილთა საშუალო სკოლის დირექტორებმა მტკიცედ იხელმძღვანელონ კლასების დაკომპლექტების დროს განსახკომის ინსტრუქციით.

ამავე დროს სათანადო მუშაობა გაიმართლოს კოლმეურნეობებში, საწარმოებში და დაწესებულებებში მოსწავლეთა სკოლებში დამავრების მიზნით და გადაამწყვეტი ზომები იქნას მიღებული მოსწავლეთა განთესვის წინააღმდეგ.

6. განსახკომის მოზრდილთა განათლების სამმართველომ დააწესოს კონტროლი ამ ბრძანების შესრულების მიმდინარეობაზე და მისი ცალკეული მუხლების შეუსრულებლობის შემთხვევაში მომხსენოს მე სათანადო ზომების მისაღებად.

**საფუძველი:** განსახკომის კოლეგიის 1940 წლის 26 მარტის დადგენილება.

საქ. სსრ განათლების სახ. კომისარია  
**გ. კიკნაძე**

## ბრძანება № 1401

განათლების სახალხო კომისარიატისადმი

1940 წლის 10 აპრილს.

თბილისის ყრუ-მუნჯთა, უსინათლოთა და განსაკუთრებული რეჟიმის სკოლა-საბავშვო სახლები, როგორც რესპუბლიკური მნიშვნელობის დაწესებულებები, რომლებიც მომსახურებას უწევენ როგორც ქ. თბილისის, ისე ავტონომიურ რესპუბლიკებს და ყველა



რაიონებს, დაისვას საკითხი. საქართველოს სახალხო კომისართა საბჭოს წინაშე ამ სკოლა-საბავშვო სახლების ადგილობრივი ბიუჯეტიდან რესპუბლიკურ ბიუჯეტზე გადაცემის შესახებ.

დაევალოს სავეგომოსადგინანსო სამმართველოს საბავშვო სახლებისა და ჰაეცესკოლების სამმართველოსთან ერთად სამი დღის ვადაში შეადგინოს მოხსენებითი ბა-

რათი საქ. სახკომსაბჭოს სახელზე აღნიშნული სკოლა-საბავშვო სახლების ადგილობრივი ბიუჯეტიდან რესპუბლიკურ ბიუჯეტზე გადაცემის სათანადო ნებართვის მიცემის შესახებ.

საფუძველი: განსახკომის კოლეგიის 1940 წლის 26 მარტის დადგენილება.

საქ. ხსრ განათლების ხს. კომისარია  
გ. კიკნაძე

## ბრძანება № 1402

განათლების სახალხო კომისარიატისადმი  
1940 წლის 10 აპრილს.

მ. თბილისის მოზრდილთა მე-15 საშ. სკოლის მუშაობის გამომკვლევის შედეგების შესახებ.

ქ. თბილისის მოზრდილთა მე-15 საშ. სკოლის (ლირქეტ. აკ. ორმოცაძე) მუშაობას, რომელიც შესწავლილი იქნა მასწ. ბ. კვარაცხელიას ვაჩხვალების საფუძველზე, უკანასკნელ ხანებში გარკვეული წარმატება ახასიათებს, რაც მტკიცე ცხრილის შედგენასა, აკადემიური მოსწრების ვაზრდასა და ვეგმიანი მუშაობის გაშლაში გამოიხატება, მაგრამ ხსენებულ სკოლას საორგანიზაციო და სასწავლო აღმზრდელობით მუშაობაში ჯერ კიდევ არსებითი ნაკლოვანებანი გააჩნია.

მიმდინარე სასწავლო წლის პირველ ნახევარში სკოლა მუშაობდა მტკიცე ცხრილის გარეშე. მასწავლებელთა ხშირი მონაცვლეობა, ზრახირითადი მასწავლებლების პრეტენზიები და ძირითადი მასწავლებლების გადატვირთვა ხელს უშლიდა სტაბილური ცხრილის შედგენას. სკოლის ქიტირქეთია ვერ ჰქმნიდა სკოლაში მუშაობის ჯანსაღ და ნორმალურ პირობებს, ამის შედეგად სკოლაში ადგილი ჰქონდა ზოგიერთ გაუგებრობას, გაკვეთილების სახელდასახლო გადაჯგუფებას, მასწავლებელთა მოუ-

ლოდნელ გამოძახებას და ხანდახან გაკვეთილებზე დაგვიანებით შესვლას.

დადასტურებულია საგრეთვე მოსწავლეთა ფიქტიური შეფასების შემთხვევები ხაზვასა და ისტორიაში: პირველი (ხაზვა) შეფასებული იქნა მისი ფაქტიური სწავლების გარეშე, ხოლო მეორე (ისტორია) ხანმოკლე სწავლების შემდეგ შეფასებულია არაწესიერად.

სასწავლო წლის პირველ ნახევარში სკოლაში ადგილი ჰქონდა ერთი მასწავლებლის მიერ ერთდროულად ორი გაკვეთილის გადაცემის შემთხვევას და ეს ერთი გაკვეთილი მასწავლებელს ეწერებოდა, როგორც ზედმეტად გადაცემული საათი. ასე, მაგალითად: მასწავლებელ მჭედლოვს ნოემბერსა და დეკემბერში ზედმეტ გაკვეთილებად სააღრიცხვო დაეთარში ჩაწერილი აქვს 49 საათი, ნოემბრის ხელფასის გამოწერისას სასწ. ნაწილის გამგეს ამხ. გუჯასოვს ოფიციალური ცნობა მიუცია სკოლის ბუხალტერიისათვის, რომ მასწავლებელ მჭედლოვს ხელფასი გამოსწეროდა 37 ზედმეტი საათის მიხედვით ნოემბრის

თვის განმავლობაში მაშინ, როდესაც გაკვეთილებით დატვირთვის შესაბამისად მჭედლოვს ნოემბერში ჰქონდა მხოლოდ 20 თვისუფალი საათი.

აღნიშნულიდან გამომდინარე ცვრძანება:

1. თბილისის /მოზრდილთა მე-15 საშ. სკოლის დირექტორს ა. მ. ორმოცაძეს, რომელმაც ვერ უზრუნველყო სასწავლო წლის პირველ ნახევარში სასკოლო-საორგანიზაციო და სასწავლო სააღმზრდელო მუშაობის მოწესრიგება, რის შედეგად სკოლაში ადგილი ჰქონდა მტკიცე ცხრილის გარეშე მუშაობას, გაკვეთილების შეუსაბამო გადაჯგუფებას, მოსწავლეთა უმართებულო შეფასებას, გაკვეთილებზე მოსწავლეთა ხშირ დაკლება-დაგვიანებას და სხვა,—გამოეცხადოს საყვედური.

2. მიეთითოს იმავე სკოლის სასწავლო ნაწილის გამგეს ა. მ. გუკასოვს, მასწავლებელთა მიერ გადაცემული გაკვეთილების არასწორი აღრიცხვისა, ფაქტურად ერთი გაკვეთილის ორ აკადემიურ საათად ჩათვ.

ლისა და მოსწავლეთა ცოდნის ფიქტიური შეფასების გამო.

3. მიეთითოს მასწავლებელ ლოვს, საბჭოთა მასწავლებლისათვის შეუფერებელი ქცევის გამო, რაც იმაში გამოიხატება, რომ იგი ხელს უწყობდა სკოლას ფინანსიური დისციპლინის დარღვევაში.

4. წინადადება მიეცეს სკოლის დირექციას სასწრაფოდ მოაწესრიგოს სასკოლო ორგანიზაციული და სასწავლო აღმზრდელობითი საკითხები: შეიმუშაოს მოსწავლეთა მიერ გაკვეთილების ვაცდენა-დაგვიანების საწინააღმდეგო ღონისძიებანი, დაამუშაოს და თვალსაჩინოდ გამოაკრას სკოლის შინაგანაწესი, უზრუნველყოს მოსწავლეთა ცოდნის ყოველდღიური შეფასება და მოავაროს საკლასო ეურნალების გამოყენების საქმე.

საფუძველი: განსახკომის კოლეგიის 1940 წლის 26 მარტის დადგენილება.

საქ. სსრ განათლების სახ. კომისარია

ბ. კიკნაძე

## ბრძანება № 1147

განათლების სახალხო კომისარიატისადმი

1940 წლ. 23 მარტს.

ბურჯანის რაიონში პოლიტსაბან განათლებლო მუშაობის მდგომარეობის შესახებ

გვეცანი რა გურჯანის რაიონის პოლიტსაგანმანათლებლო დაწესებულებათა მდგომარეობისა და მუშაობის შემოწმების მასალებს, აღვნიშნავ: გურჯანის რაიონის განათლების განყოფილების სუბტი ხელმძღვანელობის შედეგად საკლებო დაწესებულებათა მუშაობა ჩამოიღია.

ზოგი საკლებო დაწესებულება მოთავსებულია სრულებით შეუფერებელ ბინებში (კაპრეთი, კალაური, ვეჯინი და სხვ.), ზოგი საკლებო დაწესებულების ბინა შეუ-

კეთებელია (გურჯანი, ჯიმიტი), ადგილი აქვს კადრების ხშირ ცვლას (ბაკურციხეში 1939 წელს გამოიცვალა 4 გამგე, ასევე მოხდა ძველ გურჯანშიაც), სასოფლო საბჭოების აღმასრულებელი კომიტეტის თავმჯდომარეები განათლების განყოფილების დაუკითხავად, თვითნებურად ხსნიან და ნიშნავენ საკლებო დაწესებულებათა გამგეებს (მელანი, ვეჯინი), მთელ რიგ სასოფლო საბჭოში საკლებო დაწესებულებები 3-4 თვის განმავლობაში დაკეტული იყო მუშაე-

ბის უყოლობის გამო (ჩალაუბანი, ბაჟურციხე, ბოგდანოვკა, დუზაგრაძა, ვეჯინი, მელანანი), იმ საკლებო დაწესებულებებშიც კი, სადაც არის მუშაობის სათანადო პირობები (ყანდაურა, შაშინი, შრომა და სხვ.), მუშაობა არადამაკმაყოფილებელია, არ სწარმოებს სამხედრო-თავდაცვითი მუშაობა, სუსტად არის დაყენებული ყოველდღიური პოლიტიკური ინფორმაცია, საცნობო-საკონსულტაციო მუშაობა, არ ტარდება ლექციები, მოხსენებები და საუბრები, იშვიათად სწარმოებს კედლისა და საველე გაზეთების გამწვება, არადამაკმაყოფილებლად მიმდინარეობს საწრეო მუშაობა, არ სწარმოებს ანტირელიგიური და აგრო-ზოოტექპრობაგანდა, სუსტია მუშაობა მხატვრული თვითმოქმედების დარგშიც.

რიგ საკლებო დაწესებულებაში (ვეჯინი, გურჯაანი) არ არის შექმნილი საკლებო საბჭოები, იქ კი, სადაც საბჭოები ჩამოყალიბებულია, მათი მუშაობა უმრავლეს შემთხვევაში მხოლოდ ფორმალურ ხასიათს ატარებს. არ ექცევა აგრეთვე ყურადღება საკლებო მუშაობა კვალიფიკაციის ამაღლების საქმეს (1940 წლის იანვარ-თებერვალში საკლებო მუშაობა დაუსწრებელ სწავლებაში ჩაბმულთათვის კონსულტაცია სრულებით არ ჩატარებულია).

ზოგიერთი სასოფლო საბჭო (ჩალაუბანი, ბაჟურციხე და სხვა) თავის დროზე არ აძლევს საკლებო დაწესებულებებს ბიუჯეტით გათვალისწინებულ სახსრებს, რის შედეგად საკლებო დაწესებულებებში არ მოიპოვება სამეურნეო ინვენტარი და კულტინვენტარი, ბიბლიოთეკები მეტად დარიბია პოლიტიკური და მხატვრული ლიტერატურით.

ზოგ შემთხვევაში საკლებო დაწესებულებათა გამგის თანამდებობა დამატებითი შემოსავლის წყაროდ არის გადაქცეული (ზემო-გურჯაანის სასოფლო საბჭოს მდივანს ჩუგაშვილს ხელფასის გადაღების მიზნით კლუბის გამგეობა აქვს შეთავსებული, კლუბში კი ის არაფერს აკეთებს და კლუბი ფაქტურად გაუქმებულია).

თვითონ განათლების განყოფილების მხრივაც ადგილი აქვს საკლებო მუშაობის შეუფასებლობას. განყოფილება საკლებო დაწესებულებებს არ უწევს მეთოდურ დახმარებასა და ხელმძღვანელობას. განსახკომის ბრძანებები, ინსტრუქციები, მეთოდწერილები საკლებო დაწესებულებებამდე არ არის დაყვანილი, საკლებო მუშაობის საქმეები არე-დარეული და მოუწესრიგებელია, არ ექცევა ყურადღება კადრების შერჩევისა და აღვილზე მათს დამაგრების საქმეს, სრული უყურადღებობის შედეგად მოუწესრიგებელია რაიონული სალექციო-საექსკურსო ბიუროს მუშაობა.

გამომდინარე აქედან, ვბრძანებ:

1. წინადადება მიეცეს განათლების განყოფილების გამგეს ამხ. ა. ფეიქრიშვილს:

ა) დაუყოვნებლივ მიიღოს გადაწყვეტილი ზომები საკლებო დაწესებულებათა კეთილმოწყობისა, სათანადო ბინებით უზრუნველყოფისა და მათთვის ბიუჯეტით გათვალისწინებული თანხების თავის დროზე გაცემისათვის;

ბ) გადასინჯოს საკლებო დაწესებულებათა ხელმძღვანელი კადრები, შეარჩიოს შესაფერისი მუშაკები და განსაკუთრებული ყურადღება მიაქციოს მათი კვალიფიკაციის ამაღლების საქმეს, რისთვისაც უზრუნველყოფს დაუსწრებელ სწავლებაში ყველა საკლებო მუშაკის ჩაბმა, მათი სისტემატური დასწრება კონსულტაციებზე, კონსულტაციების ხარისხის გაუმჯობესება, დაუსწრებელია მიერ მიღებული თეორიული ცოდნის ყოველდღიურ პრაქტიკულ მუშაობასთან დაკავშირება;

გ) საკლებო დაწესებულებებზე ხელმძღვანელობისა და სისტემატური დახმარების გაძლიერებით მიადწიოს საკლებო დაწესებულებებში ყოველდღიური პოლიტიკური ინფორმაციის, საცნობო-საკონსულტაციო მუშაობის, ანტირელიგიური პროპაგანდის გაშლას, ლექციების, საუბრებისა და მოხსენებების სისტემატურად ჩატარებას, კედლისა და საველე გაზეთების რეგულარულად გამოცემას, სამხედრო თავდაცვითი, ფიზკულტურული, ლიტერატურული, აგროზოო-

ტექნოლოგიის, მხატვრული თვითმოქმედებისა და სხვა წრეების მუშაობის გაუმჯობესებას, გეგმიანი მუშაობის დანერგვას და გეგმების შესრულების შემოწმების სათანადო სიმძლავრე დაყენებას;

დ) უზრუნველყოფს განათლების სახალხო კომისარიატის დირექტივების თითოეულ საკლებო დაწესებულებამდე დაყვანა და მათი შესრულების შემოწმება.

2. განათლების განყოფილებამ პერიოდულად ჩაატაროს საკლებო მუშაკთა რაიონული მეთოდთათბირები, სადაც განხილული იქნას, როგორც საკლებო დაწესებულებათა შემოწმების შედეგები, ისე ადგილებიდან წარმოდგენილი მოხსენებები და დასახულ იქნას ღონისძიებანი საუკეთესო გამოცდილების გაზიარებისა და მუშაობის გაუმჯობესებისათვის.

3. განათლების განყოფილებამ ერთი თვის ვადაში უზრუნველყოფს პოლიტსაგანმანათლებლო დაწესებულებათა ქონების ინვენტარიზაცია და საკლებო ბიბლიოთეკების შესაფერისი ლიტერატურით დაკომპლექტება.

4. მოიხსნას ზემოგურჯაანის სასოფლო კლუბის გამგე ჩუგაშვილი სრული უმოქმედობისა და მუშაობის ჩაშლის გამო.

განათლების განყოფილებამ არ დაუშვას საკლებო დაწესებულებების გამგის თანამდებობის შეთავსება სასოფლო საბჭოების მდივნებისათვის, აგრეთვე საკლებო მუშაკთა მოხსნა და დანიშვნა განათლების განყოფილების გარეშე.

5. განათლების განყოფილებამ უზრუნველყოფს სალექციო-საექსკურსიო ბიუროს მუშაობის გარდაქმნა, რისთვისაც შემოიკრიბოს ბიუროს გარშემო ლექტორთა აქტივი, გაშალოს ლექტორთა შორის მუშაობა,

გაადგიეროს კოლმეურნეობებში ლექციების ჩატარება რაიონის ცენტრიდან შივლინებულ ლექტორთა ძალებით, მიიღოს ზომები ლექციების ხარისხის გასაუმჯობესებლად, შერაწესრიგოს ჩატარებული ლექციების აღრიცხვა და ლექტორებთან ანგარიშსწორების საქმე.

6. განათლების განყოფილებამ უზრუნველყოფს სკოლის მუშაკთა აქტიურად ჩაბმა საკლებო დაწესებულებათა მუშაობაში და დროგამოშვებით მოისმინოს სკოლების დირექტორთა ანგარიშები იმის შესახებ, თუ როგორ ეხმარებიან და მონაწილეობენ ისინი თავიანთი სოფლის საკლებო დაწესებულების მუშაობაში.

7. გამოეცხადოს საყვედური გაფრთხილებით გურჯაანის რაიონის განათლების განყოფილების გამგეს ამხ. ფეიქრიშვილს იმის გამო, რომ ის საჭირო ხელმძღვანელობასა და დახმარებას არ უწევს რაიონის პოლიტსაგანმანათლებლო დაწესებულებებს. მოიხსნას სამუშაოდან პოლიტგანისპექტორი ამხ. ყალაბეგიშვილი იმის გამო, რომ ის იჩენდა შეუფასებლობას და დაუდევრობას საკლებო დაწესებულებათა მიმართ.

განათლების განყოფილებამ შეარჩიოს და წარმოადგინოს კანდიდატურა პოლიტგანისსპექტორის ქანამდებობაზე (დასანიშნავად.

8. საკლებო სამმართველომ აწ 1 იენისამდე შეამოწმოს ამ ბრძანების შესრულება და შემოწმების შედეგები წარმოადგინოს კოლეგიაზე განსახილველად.

**საფუძველი:** განსახკომის კოლეგიის 1940 წლის 13 მარტის დადგენილება.

საქ. სსრ განათლების სახალხო კომისარი **ზ. კიკნაძე**



სკოლისა და მასწავლებლის მუშაობაზე ხელმძღვანელობის გაუმჯობესებისა და მოსწავლეთა ცოდნის შეფასებაში თვალის ახვიების შემთხვევათა წინააღმდეგ ბრძოლის შესახებ.

სკოლის შესახებ საქ. კ. პ. (ბ) ცენტრალური კომიტეტისა და სსრკ სასკომსაბჭოს ისტორიულ დადგენილებათა განხორციელებისათვის ბრძოლის შედეგად საგრძნობლად გარდაიქმნა სკოლების მუშაობა, გაიშალა ბრძოლა სკოლის „ძირითადი ნაკლის“ აღმოფხვრისათვის, — მოსწავლეთა მიერ მეცნიერებათა საფუძვლების მტკიცედ დაუფლებისათვის.

უკანასკნელი წლების განმავლობაში ათასობით დაწინაურდნენ მოზარდი თაობის კომუნისტურად სწავლა-აღზრდისათვის თავდადებული მასწავლებლები, რომელთა დაუღალავი და პატიოსანი შრომა სათანადოდ დააფასა საბჭოთა ხელისუფლებამ და საქ. სსრ სოფლის 126 მასწავლებელი სსრკ ორდენებითა და მედლებით დააჯილდოვა, ხოლო 200-დე მასწავლებელს დამსახურებული მასწავლებლის წოდება მიანიჭა.

1939 წელში, აზერბაიჯანის და საქართველოს მოძვე რესპუბლიკების განსახკომებს შორის მესამე სტალინური ხუთწლედის სახელობის სოციალისტურ შეჯიბრებაში მასწავლებელთა ფართო მასების ჩაბმამ გამოიწვია უდიდესი ენტუზიაზმი, რამაც სათანადო გამოხატულება პპოვა სასწავლო მუშაობაში. მიმდინარე სასწავლო წლის პირველი ნახევრის განმავლობაში საქ. სს რესპუბლიკის მრავალმა დაწყებითმა, არასრულ საშუალო და საშუალო სკოლამ მიადწია მნიშვნელოვან წარმატებებს მეცნიერებათა საფუძვლების სწავლების გაუმჯობესების, მოსწავლეთა შორის შეგნებული დისციპლინის განმტკიცების, მეორეწლიანობისა და განთესვის მინიმუმამდე დაყვანის საქმეში; ეს წარმატებები იმის შედეგად იქნა მოპოვებული, რომ ჩვენი სკოლების მოწინავე მასწავ-

ლებლობა დაუღალავად მუშაობს თავის იდეურ-პოლიტიკური მომზადების დონის ამაღლებისათვის, აუმჯობესებს პედაგოგიურ დახელოვნებას და იარაღება სწავლების საუკეთესო ხერხებით და მეთოდებით, ყოველდღიურად ემზადება თითოეული გაკვეთილის მაღალხარისხოვნად ჩატარებისათვის და უღრესად დიდ პასუხისმგებლობით ეკიდება მოსწავლეთა აკადემიური წარმატების შეფასების სწორი ორგანიზების საქმეს.

მაგრამ საქართველოს სს რესპუბლიკის მთელ რიგ სკოლებში ჯერ კიდევ ჩამორჩება ცალკე სასწავლო დისციპლინების სწავლება, სუსტად არის ვაშლილი სააღმზრდელო მუშაობა და ამის შედეგად მოსწავლეთა აკადემიური მომზადების დონე დაბალია; ჩამორჩენილია აგრეთვე წერითი და ზეპირი მეტყველების კულტურა, მოსწავლენი სათანადოდ არ არიან დაუფლებული ლიტერატურულ ძეგლებს, ისტორიულ მოვლენებსა და ფაქტებს, ფიზიკურ, ეკონომიურ და ისტორიულ რუკას, სუსტად არის დაყენებული ვარჯიში მათემატიკურ ამოცანებსა და მაგალითებზე, ხშირად მოსწავლეობას არ შესწევს სკოლაში მიღებული ცოდნის პრაქტიკულად გამოყენების უნარი და სხვ.

სასწავლო-სააღმზრდელო მუშაობაში არსებული ეს ნაკლოვანებანი იმის შესახებ მიუთითებენ, რომ სკოლები მთელ რიგ შემთხვევაში მოკლებული არიან განათლების განყოფილებების, სკოლების დირექტორების (გამგებების), სასწავლო ნაწილის გამგეების და პედაგოგიური კაბინეტების კონკრეტულ დახმარებასა და ხელმძღვანელობას, რომ სუსტად არის დაყენებული მასწავლებლის მუშაობის ყოველდღიური შემოწმება, თავის მხრით ზოგიერთი მასწავლებელი

გულგრილად ეკიდება საკუთარი იდეურ-პოლიტიკური მომზადების დონის ამაღლების საქმეს, სისტემატურად არ კითხულობს პედაგოგიურ-მეთოდური ზასიათის ლიტერატურას, საფუძვლიანად არ ემზადება თითოეული გაკვეთილის მაღალი ნაყოფიერებით ჩატარებისათვის, ნაკლებ ყურადღებას აქცევს თვალსაჩინოების საქმეს, ვაჟების მოსწავლეთა ინდივიდუალურად შესწავლას ყოველდღიური მუშაობის პროცესში.

ამასთან ერთად განსაკუთრებით აღსანიშნავია ის გარემოება, რომ მეცნიერებათა საფუძვლების სწავლების საქმეში არსებული ჩამორჩენები, ზევით ჩამოთვლილ მიზეზებთან ერთად იმთაყ არის გამოწვეული, რომ აკადემიური წარმატების აღრიცხვის საქმეში, მთელ რიგ სკოლებში ადგილი აქვს უხეშ დამახინჯებებს. ზოგიერთი განათლების განყოფილება, სკოლის დირექტორი და სასწავლო ნაწილის გამგე დღემდე არ აწარმოებს სისტემატურ მუშაობას მასწავლებელთა შორის მოწინავეთა გამოცდილების დაუფლებასა და პედაგოგიური კვალიფიკაციის ამაღლებისათვის, არ იბრძვიან საუკეთესო გაკვეთილისათვის, არ შლიან მუშაობას ჩამორჩენილების დასახმარებლად და მოსწავლეთა მეთორწულიანობის ლიკვიდაციისათვის, შესაფერ ყურადღებას არ აქცევენ მოსწავლეთა საშინაო დავალებისა და კლას-გარეშე კითხვის ორგანიზაციას, არ არის დაწესებული სისტემატური კონტროლი მოსწავლეების დამოუკიდებელ მუშაობაზე, გაუშუღლია მუშაობა მშობელთა შორის, მათი სასკოლო მუშაობაში აქტიური მონაწილეობის უზრუნველსაყოფად, ჯერ კიდევ არის შემთხვევები, რომ სკოლაზე და მასწავლებელზე ხელმძღვანელობის საქმე თვალისახვევით „პროცენტომანიით“ არის შეცვლილი, მოსწავლეებს ძალზე შემცირებულ მოთხოვნილებას უყენებენ, ხელოვნურად ზრდიან აკადემიური წარმატების პროცენტებს, და უქმნიან მოსწავლეებს საბაბს იმსჯელონ: „რისთვის ვიტებო თავი... სულერთია, მასწავლებელი მიინც „სამუალოს“ გამოიყვანს, რადგანაც ცუდი ნიშნებისათვის

თითონ მას მოსთხოვენ პასუხს“ <sup>განათლების</sup> განათლების სახალხო კომისარიატის ხელმძღვანელების მრავალი ფაქტი, რომ ზოგჯერ <sup>განათლების</sup> განათლების განყოფ. უხეირო ხელმძღვანელების წყალობით დამუშავეების ობიექტად ხდებიან ისეთი მასწავლებლები, რომელნიც კეთილსინდისიერად ეკიდებიან მასზე დაკისრებულ მოვალეობას, ხელოვნურად არ ზრდიან მოსწავლეთა წარმატებას და მთელი არსებით ებრძვიან ყოველგვარ თვალისახვევას და ლიბერალიზმს ბავშვთა წარმატების შეფასების საქმეში. ასეთ მასწავლებლებს აიძულებდნენ „აეწიათ“ შეფასებანი, რის შედეგად რიგ შემთხვევაში კლასიდან კლასში გადადიოდნენ არასათანადოდ მომზადებული მოსწავლეები. იყო ისეთი შემთხვევებიც, როცა მაღალი პროცენტული მაჩვენებლების წარდგენის მიზნით, ადგილი ჰქონდა აკადემიურად ჩამორჩენილ მოსწავლეთა „ავადმყოფებად“ გამოცხადებას და ე. წ. „შეუფასებელთა“ სიაში შეტანას. არც ისე იშვიათად იყო აგრეთვე ისეთი შემთხვევები, როცა სკოლის ცუდი ხელმძღვანელები აკადემიურად სუსტ მოწაფეებს „ურჩევდნენ“, ეითომ და მათი გამოსწორების მიზნით, ფაქტიურად კი თავიდან მოშორებისათვის სხვა სკოლაში გადასვლას, რომ ამით ხელოვნურად გაედიდებიათ აბსოლუტური წარმატების მაჩვენებლები. ამასთანავე ხშირად, მაღალი პროცენტის შენარჩუნებისათვის სკოლიდან მოსწავლის გარიცხვასაც კი არ ერიდებოდნენ. ყველაფერი ეს სკოლასა და მოწინავე ახალგაზრდობას უქმნიდა მეტად არანორმალურ ატმოსფეროს და სიმწიფეებს ყოველდღიურ მუშაობაში.

პროცენტებზე ასეთი არაჯანსაღი გამოდევნება, არა თუ უქმნიდა მასწავლებელს სტიმულს დაუფლებოდა მოწინავეთა გამოცდილებას და მით გამემიდრებია სწავლა-აღზრდის პრაქტიკა, აემალლებია კვალიფიკაცია, ნამდვილი ცოდნის მისაღწევად გაეშალა შემოქმედებითი ძალა და ენერგია. არამედ, პირიქით, უბიძგებდა მას იქითკენ, რომ შეემცირებია მოთხოვნილება მოსწავლეთა ცოდნის შეფასების საქმეში და უგუ-

ლებელეყო ნამდვილი წარმატების მისაღწევად საჭირო პედაგოგიურ-მეთოდური ღონისძიებათა გატარება. ასეთ ატმოსფეროში მასწავლებელთა ნაწილში ფეხი მოაკიდა სწავლებისადმი ზერელე, უზრუნველი დამოკიდებულების განწყობილებამ, რამაც თავის მხრით გამოხატულება პიკვა მოსწავლეთა დაბალ აკადემიურ წარმატებაში.

გარდა ამისა მთელ რიგ სკოლებში ადგილი ჰქონდა მოსწავლეთა წარმატების ეგრად წოდებულ „შედარებითი შეფასებას“, მასწავლებლები უგულებელჰყოფდნენ რა პროგრამებით გათვალისწინებული მასალის მოცულობით მოსწავლის ცოდნის შემოწმებას, დაბალი აკადემიური წარმატების მქონე მოსწავლეებთან შედარებით აფასებდნენ დანარჩენ მოსწავლეთა ცოდნას.

„პროცენტომანიით“ დაავადებულ განათლების ორგანოებისა და სკოლის მუშაკებს ვერ შეუენიათ, რომ პროცენტებზე გამოდევნება, წარმატებათა პროცენტის ხელოვნური აწევა, საქმის ნამდვილ ვითარებას არ შეეფერება, — ეს თვალმიპყობაა, სახელმწიფოს მოტყუება და დანაშაულებრივი ქმედებაა.

ბრძოლა მოსწავლეთა მაღალი და მტკიცე ცოდნისათვის, „მეცნიერებათა საფუძვლების“ ღრმად დაუფლებისათვის იყო და რჩება საბჭოთა სკოლის მთავარ ამოცანად. „პროცენტომანიის“ ლიკვიდაცია კი გულისხმობს სკოლისა და მასწავლებელთა მუშაობაზე არსებითი ხელმძღვანელობის გაძლიერებას, მათი წარმატების შესახებ მსჯელობას არა მხოლოდ ციფრობრივი მაჩვენებლებით, არამედ მუშაობის ხარისხის მიხედვით. „პროცენტომანიის“ ლიკვიდაცია ნიშნავს მოსწავლეთა ცოდნის ზუსტად, ობიექტურად შეფასებას, იმის განსახორციელებლად, რომ „ცოდნის ერთი და იგივე დონე ერთნაირად ფასდებოდეს ყველა სკოლაში“ (საქ. კ. პ. ბ) ე. ვ. ტის 1935 წლის 3 სექტემბრის დადგენილებიდან).

საქ. სსრ განსახკომი აფრთხილებს სკოლის დირექტორებს (გამგებებს) და სასწავლო ნაწილის გამგებებს, რომ მათ მასწავლებლებ-

თან ერთად ეკისრებათ პასუხისმგებლობა მოსწავლეთა ცოდნის მაღალი ხარისხის/მიღწევისა და მისი სწორად შეფასების საქმეში. ყოველი სკოლის დირექტორი (გამგე) და სასწავლო ნაწილის გამგე ვალდებული არიან ვაკვეთილებზე სისტემატური დასწრების გზით შეისწავლონ მასწავლებლის პედაგოგიური საქმიანობა, გაუწიონ მასწავლებლებს საჭირო დახმარება შემჩნეულ დეფექტების აღმოსაფხვრელად და მათი მუშაობა წარმართონ იქითკენ, რომ უზრუნველყონ თითოეულ კლასში მოსწავლეთა ჩამორჩენილობის სრული ლიკვიდაცია. მოსწავლეთა მუშაობის შეფასება მოახდინონ სასწავლო წლის ყოველ მეოთხედში სკოლაში სასწავლო აღმზრდელობითი მუშაობის ღრმა ანალიზის საფუძველზე და წლის ბოლოს შეადგინონ თითოეული მოსწავლის ამომწურავი დახასიათება.

საქ. სსრ განსახკომი იძლევა დავალებას:

1. სკოლების დირექტორებმა (გამგებებმა) და სასწავლო ნაწილის გამგებებმა სისტემატურად განიხილონ პედაგოგიური საბჭოს სხდომაზე და პედაგოგიურ ვაკვეთილებზე დაკვირვების შედეგები მათი ნაწილისა და მიღწევების ფაქტორ ანალიზით და მოახდინონ სწავლა-აღზრდის საქმეში საუკეთესო მასწავლებლების გამოცდილებათა გაზიარება. პედაგოგიური კოლექტივის ყურადღება გაამახვილონ პედაგოგიური პროცესის კონკრეტული მომენტების მიმართ (ვაკვეთილისათვის მომზადება, ვაკვეთილის მსვლელობა, შინაარსობრივი და დიდაქტიკური მხარე, დისციპლინის დაცვა, ახალი მასალის შეთვისების შემოწმება, საშინაო დავალების ორგანიზაცია და სხვ.) პედაგოგიური საბჭოს დადგენილებანი უნდა შეიცავდნენ დროულ და კონკრეტულ წინადადებებს სასწავლო მუშაობის გასაუმჯობესებლად.

2. მშობლებთა კომიტეტების მუშაობა იმგვარად მოეწყოს რომ უზრუნველყოფილი იქნეს მოსწავლეთა საშინაო დამოუკიდებელ მუშაობაზე კონტროლის გაძლიერება, რაც მოსწავლეთა ცოდნის მაღალ წარმატებასთან არის დაკავშირებული.

3. მასწავლებლებმა განსაკუთრებული ყურადღება უნდა მიაქციონ თავიანთი იდეურ-პოლიტიკური დონისა და პედაგოგიური მომზადების ამაღლებას, სისტემატურად იმუშავონ სწავლების ხერხებისა და მეთოდების დაუფლებაზე, ზუსტად ჩაატარონ დავალებათა შესრულების შემოწმება, ყოველ გაკვეთილზე აწარმოონ მოსწავლეებზე დაკვირვება, სისტემატურად აღრიცხონ თითოეული მოსწავლის ცოდნა, ყურადღების ცენტრში მოაქციონ ჩამორჩენილი და მეორეწლიანი მოსწავლეები და გაუწიონ მათ საჭირო დახმარება. თითოეული მასწავლებელი უნდა მუშაობდეს იმგვარად, რომ ყურადღებისა და აღრიცხვის გარეშე არ დარჩეს მოსწავლის თუნდაც უმნიშვნელო წინსვლა და წარმატება. გულთბილი, გულისხმიერი და მზრუნველი დამოკიდებულების გზით გამოიწვიონ და გააძლიერონ მოსწავლეებში ინტერესი და განწყობილება შემდგომი წარმატების მოსაპოვებლად.

4. დაწყებითი და საშუალო სკოლის სამეცნიერო საკვლევო ინსტიტუტმა დაამუშავოს დამხმარე მეთოდური ხასიათის შრომები ღირებულებებისა, სასწავლო ნაწილის გამგეების და კლასის ხელმძღვანელის მუშაობის ორგანიზაციის და მეთოდების შესახებ.

5. მასწავლებელთა დახელოვნების ინსტიტუტმა მოაწყოს რაიონულ მეთოდურ კაბინეტში და მეთოდგართიანებებში ახალგაზრდა ღირებულებებისა და სასწავლო ნაწილის გამგეებისათვის სპეციალური თათბირები, სადაც უნდა იქნეს განხილული გაკვეთილის საუკეთესო ნიმუშები და სასწავლო-აღმზრდელი მუშაობაზე სწორი ხელმძღვანელობის აქტუალური საკითხები.

6. მასწავლებელთა დახელოვნების ინსტიტუტმა მოაწყოს რესპუბლიკის მოწინავე მასწავლებელთა ცამოცდილების მასალების მუდმივი გამოფენა.

7. დაწყებითი და საშუალო სკოლის სამართველოებმა სკოლების ხელმძღვანელთათვის დახმარების გაწევის მიზნით დაამუშაოს მითითებანი გაკვეთილებზე მასწავლებ-

ლის მუშაობის დაკვირვების მეთოდების შესახებ.

8. საქ. სსრ განსახკომის <sup>ინსტიტუტი</sup> კატეგორიის <sup>კატეგორიის</sup> სამართველომ დაწყებითი და საშუალო სკოლის სამართველოებთან ერთად დაამუშავოს ერთი მასწავლებლის მიერ მეორისათვის კლასის ან საგნის გადაცემის (მასწავლებლის ავადმყოფობისას, დროებითი მუშაობისას ან დაწყებითი სკოლაში კლასის შეცვლისას) წესები და წარმოადგინოს დასამტკიცებლად.

9. განათლების განყოფილებათა გამგებმა მტკიცედ დაიცვან ღირებულებებისა და სასწავლო ნაწილის გამგეებისათვის პედაგოგიური დატვირთვის სავალდებულო ნორმები. განათლების განყოფილების მუშაკებმა აღკვეთონ ყოველგვარ შემთხვევით საკითხებზე სკოლის ხელმძღვანელთა ხშირი გამოძახება და განტვირთონ ისინი კანცელარული ხასიათის დავალებებიდან.

10. განათლების განყოფილებათა გამგებმა, ინსპექტორებმა და სკოლის ღირებულებებმა განსაკუთრებული ყურადღება მიაქციონ და არ დაუშვან აკადემიურად ჩამორჩენილ მოსწავლეთა თავიდან მოცილების მიზნით მოსწავლეთა სკოლიდან სკოლაში გადაყვანა და გარიცხვა.

11. გადაჭრით აღმოიფხვრას სასკოლო ინსპექტორების საკანცელარიო საქმეებით დატვირთვის დღემდე არსებული პრაქტიკა და მათი სკოლაში წარამარა მივლინება „შემოსულ განცხადებაში“ აღნიშნული ფაქტებს „შესამოწმებლად. სასკოლო მუშაობის შემოწმების საქმეში ინსპექტორის მუშაობას უნდა ქონდეს მტკიცე გეგმიანი ხასიათი. სავალდებულოდ იქნას ცნობილი ინსპექტორების მიერ „დღიურის“ წარმოება, როგორც სამსახურებრივი მოვალეობის შესრულების მაჩვენებელი დოკუმენტისა, „დღიურში“ ზუსტად იქნას აღრიცხული ჩატარებული მუშაობა. „დღიურს“ სისტემატურად ამოწმებდეს განათლების განყოფილების გამგე. ინსპექტორებმა სკოლის გამოკვლევის შედეგები გააცნოს პედაგოგიკის და



აწარმოონ ამ შედეგების ჩაწერა სკოლაში, ამისათვის სპეციალურად განკუთვნილ წიგნში.

12. განსახკომის დაწეებითი და საშუალო სკოლის სამმართველოები, ავტონომიური სსრესპუბლიკებისა და ოლქების განსახკომები განათლების საქალაქო და სარაიონო განყოფილებათა გამგეები „სისტემატურად ამოწმებდნენ სასწავლო მუშაობის დაყენებას სკოლებში, ებრძოდნენ მასწავლებელთა ლიბერალურ დამოკიდებულებას მოსწავლეთა შეფასებისადმი“ (ლ. პ. ბერია).

განათლების განყოფილებებმა დააწესონ მტკიცე კონტროლი და პასუხისგებაში მისცენ ის პირები, რომელიც შემჩნეული იქნებიან, როგორც მოსწავლეთა ცოდნის ყალბად შეფასებაში, აგრეთვე ისინიც, ვინც იძულებს მასწავლებლებს, — დაადგნენ სახელმწიფო ორგანოების თვალისახვევის გზას.

13. განემარტოს განათლების განყოფილებათა გამგეებს, სკოლის დირექტორებს, სასწავლო ნაწილის გამგეებს და მასწავლებლებს, რომ — მოსწავლეთა ცოდნის შეფასების საქმეში პროცენტომანიისა და თვალისახვევის წინააღმდეგ ბრძოლა არ გამოიციხავს მოსწავლეთა მაღალ აკადემიურ წარმატების მაჩვენებლებს, არამედ სწორედ მოსწავლეთათვის მაღალი მოთხოვნის წაყენება და მათი ცოდნის ნამდვილი ობიექტური შეფასება ქმნის პირობებს მოსწავლეთა მიერ მეცნიერებათა საფუძვლებს დაუფლებისათვის ნამდვილი, მაღალი აკადემიური წარმატების მაჩვენებლების მისაღებად; მოსწავლეთა აკადემიურ წარმატებას და „მეცნიერებათა საფუძვლების“ მტკიცედ დაუფლებას შეიძლება მივაღწიოთ დაუღალავი

პედაგოგიური მუშაობით, საკუთარი პედაგოგიკის ამოღებაზე ზრუნვით, სწავლების ხერხებისა და მეთოდების მიზანშეწონილად გამოყენებით, გაკვეთილისათვის საფუძვლიანად მომზადებისა და სწავლების პროცესის საუკეთესოდ მოწყობით, მოსწავლეთა ინდივიდუალური შესწავლით, მათდამი გულთბილი და გულისხმიერი დამოკიდებულების განხორციელებით, ჩამორჩენილებისადმი სისტემატური დახმარების გაწევის უზრუნველყოფით; მოსწავლეთა სასწავლო-აღმზრდელობითი მუშაობის გაჯანსაღების საქმეში, კომპაქშირის, პიონერთა ორგანიზაციების და მოსწავლეთა და მშობელთა კომიტეტების ჩაბმით და საერთოდ, მთელი პედაგოგიური პროცესის სწორი ორგანიზაციით. ფართოდ უნდა იქნეს განმტკიცებული, რომ სხვა გზა, აკადემიური წარმატების მოსაპოვებლად, არის გზა — თვალთმაქცობისა, თვალისახვევის, სახელმწიფოს მოტყუების, — „პროცენტომანიის“, რომლის სრული ლიკვიდაციისათვის უნდა დაირაზმოს მთელი პედაგოგიური საზოგადოებრიობა.

14. აფხაზეთისა და აჭარის ასსრ განსახკომებმა, სამხრეთ-ოსეთის ავტონომიური ოლქის და სარაიონო და საქალაქო განათლების განყოფილებათა გამგეებმა და სკოლის დირექტორებმა (გამგეებმა) ფართოდ განიხილონ ეს წერილი, მასწავლებელთა შორის.

საქ. განათლების სახალხო კომისარი  
გ. კიქნაძე  
საშუალო სკოლის სამმართველოს  
უფროსი შ. ბუჩქაძე  
დაწეებითი სკოლის სამმართველოს  
უფროსი უშ. ობოლაძე

## ჟველა რაიონის განათლების განყოფილებათა და საკლუბო დაწესებუ- ლებათა გაზვიებას

ასლი—ავტ. სს რესპუბლიკების განსახკომებს და ავტ. ოლქის განათლების  
განყოფილებას

აპაკი წერიტლის დაბადებიდან 100 წლისტამის ჩატარების შესახება

აწ 22 ივნისს ეწყობა მე-19 საუკუნის დიდი ქართველი პოეტის აკაკი წერეთლის დაბადებიდან 100 წლისტავის აღსანიშნავი იუბილე. ამ იუბილეს ქართველ ხალხთან ერთად უდიდესი აღფრთოვანებით ეგებებიან საბჭოთა კავშირის ყველა რესპუბლიკის ხალხები.

აკაკი წერეთლის მხატვრული შემოქმედება წარმოადგენს ძვირფას კლასიკურ მემკვიდრეობას, რომლის დაფასება და შესწავლა შესაძლებელი გახდა მხოლოდ სტალინური მზით გასწივოსნებულ ეპოქაში.

მხოლოდ დღეს, საბჭოთა სინამდვილეში, ლენინ-სტალინის ბრძნული ნაციონალური პოლიტიკის შედეგად მიეცათ საშუალება საბჭოთა ქვეყნის ხალხებს საფუძვლიანად შეისწავლონ და დაეუფლონ ლიტერატურულ მემკვიდრეობას.

აკაკი წერეთელი, ილია ჭავჭავაძესთან ერთად, ქართული ენის უდიდესი რეფორმატორი იყო. მან გაანთავისუფლა ქართული სიტყვაკაზმული მწერლობა დრომოჭმული ფორმებისაგან და მიუახლოვა ის მასებს. აკაკი წერეთელი დაჩაგრული ხალხის მესაიდუმლე და მისი ნუგეშის მცემელი იყო. მან უდიდესი მხატვრული ოსტატობით ასახა ბატონყმური წყობისა და მეფის თვითმპყრობელური რეჟიმის მონობის უღელ

ქვეშ მყოფ მშრომელთა მდგომარეობა და ხმა აღიმალა ამ რეჟიმის წინააღმდეგ. მან თავისი ლირიკული ლექსებით ჩაგრულ, დამონებულ ხალხში შეიტანა ხალხთა განთავისუფლებისა და ბრძოლის სული. ის იყო ნაციონალურ-რევოლუციური მოძრაობის ერთ-ერთი საუკეთესო წარმომადგენელი.

აკაკი წერეთლის საიუბილეო დღეები ქართული საბჭოთა სოციალისტური კულტურის აღორძინებისა და დიდი პოეტისადმი ქართველი ხალხის უსაზღვრო სიყვარულის მძლავრ დემონსტრაციას წარმოადგენს.

საკლუბო დაწესებულებებმა (კლუბებმა, კულტურის სახლებმა და ქობ-სამკითხველოებმა) აქტიური მონაწილეობა უნდა მიიღონ აკაკის იუბილეს ჩატარებაში, რისთვისაც უნდა განახორციელონ შემდეგი ღონისძიებანი:

1. საკლუბო დაწესებულებებთან უნდა ჩამოყალიბდეს ა. წერეთლის საიუბილეო კომისია, რომელშიაც შევლენ კლუბის აქტივისტები ადგილობრივი ინტელიგენციიდან, კოლმეურნეობებიდან და სხვ.

კომისიამ უნდა შეადგინოს იუბილეს ჩატარების გეგმა და დაამუშაოს იგი ფართო აქტივის კრებაზე.

2. იუბილესათვის წინასწარი სამზადისი უნდა გამოყენებულ იქნას ა. წერეთლის შემოქმედების ფართო მასებისათვის გასაცნო-

ბად. ამიტომ საჭიროა შეიქმნას აკაკის შემოქმედების შემსწავლელი წრეები, ჩატარდეს აკაკის რჩეულ ნაწარმოებთა ხმამაღალი კითხვა, მოეწყოს აკაკის შემოქმედებისადმი მიძღვნილი მხატვრულ-ლიტერატურული საღამოები და სხვ.

3. მოეწყოს ციკლობრივი და ეპიზოდური ლექციები, აგრეთვე მოხსენებები და საუბრები აკაკის ცხოვრებისა და შემოქმედების შესახებ, რაც უნდა დაუკავშირდეს იმ საზოგადოებრივ-პოლიტიკურ ვითარებას, რომელშიაც პოეტს უხდებოდა მოღვაწეობა.

4. საკლუბო დაწესებულებებში უნდა მოეწყოს აკაკი წერეთლის კუთხე, სადაც გამო-

ფენილი იქნება შესაფერისი ლიტერატურა, აგრეთვე თვალსაჩინო ადგილებზე გაიტარდეს ლოზუნგ-პლაკატები.

ქართული  
საზოგადოებრივი  
საბჭოთა

5. ადგილობრივ კედლის გაზეთებში უნდა გამოიყოს სპეციალური განყოფილება: „როგორ მიმდინარეობს აკაკის იუბილესათვის მზადება“. იუბილეს დღეს კედლის გაზეთი მთლიანად უნდა მიეძღვნას აკაკის შემოქმედებას.

საქ. განათლების სახალხო კომისარი

**ბ. კიკნაძე**

განსახკომის საკლუბო სამმართველოს  
უფროსი **პ. ბაბინოსია**

1940 წლ. 9 აპრილი  
თბილისი



# დროებითი დებულება

## პიონერთა და მოსწავლეთა სახლის ზოგადი დებულება.

1. პიონერთა და მოსწავლეთა სახლი წარმოადგენს ისეთ დაწესებულებას, რომელზეც ბავშვთა შორის სკოლის გარეშე მუშაობით ანხორციელებს მოზარდი თაობის კომუნისტურად აღზრდის ამოცანებს. და ამით ეხმარება სკოლას სწავლების მაღალი ხარისხის უზრუნველყოფის, შეგნებული დისციპლინის განმტკიცებისა და პიონერთა და მოსწავლეთა პოლიტიკურ-აღმზრდელობით მუშაობის უკეთ დაყენების საქმეში.

2. პიონერთა და მოსწავლეთა სახლი თავის ამოცანებს ანხორციელებს:

ა) ბავშვებში მეცნიერებისა, ტექნიკისა და ხელოვნებისადმი სიყვარულის და ინტერესის გაღვივებით და ამ ინტერესების დაკმაყოფილების გზით;

ბ) ბავშვთა კულტურული დასვენებისა და გართობის ორგანიზაციის გზით და

გ) დახმარების გაწევით პიონერთა რაზმებშია და ოქტომბრელებშიათვის კულტურულ-მასობრივი და საწრფო მუშაობის ორგანიზაციის საქმეში.

3. პიონერთა და მოსწავლეთა სახლის მუშაობა ავებულია პიონერებისა და მოსწავლეების ნებაყოფლობით სურვილისა და სახლის მუშაობის ამათუიმ დარჯით დაინტერესებაზე.

4. პიონერთა და მოსწავლეთა სახლი თავის მუშაობას ატარებს წლიური გეგმისა და წრეების პროგრამების მიხედვით, რომლებსაც საქ. სსრ სახალხო განათლების კომისარიატი ამტკიცებს.

5. პიონერთა და მოსწავლეთა სახლში მუშაობა მიმდინარეობს შემდეგ ფორმებში:

- ა) მასობრივი გამოსვლებისა, მასობრივი ღონისძიებათა (სპარტაკიადის, ტეკვის, თამაშის, სიმღერის, ბავშვთა გასეირნების, დღესასწაულის, საღამოების შეხვედრებისა) მოწყობა.

გ) სისტემატური მუშაობის ჩატარება პიონერებთან და მოსწავლეებთან სწავლების აკადემიური მაჩვენებლებში ამაღლების მიზნით;

დ) პიონერ რაზმებისათვის დახმარების აღმოჩენა მუშაობაში: მუშაობა აქტივთან, წრეებთან სტაროსტებთან, გუნდების კაპიტნებთან, ფორპოსტის ხელმძღვანელებთან, რგოლების მეთაურებთან და საერთოდ ბავშვებთან, მათთვის სახლის წაუკეთესო მუშაობის ნიმუშების ჩვენებით.

6. პიონერთა და მოსწავლეთა სახლზე უშუალოდ ხელმძღვანელობას ანხორციელებს სახალხო განათლების საქალაქო (რაიონული) განყოფილება და კომკავშირის საქალაქო (რაიონული) კომიტეტი.

## პიონერთა და მოსწავლეთა სახლის სტრუქტურა და მუშაობის ორგანიზაცია

7. დაქირებული ამოცანების განხორციელების მიზნით პიონერთა და მოსწავლეთა სახლის მუშაობა ეწყობა შემდეგ ძირითად განყოფილებებში.

1) მასობრივ პოლიტიკური აღმზრდელობითი მუშაობის განყოფილება.

ა) ხალხთა დიდი ბელადის ამხანაგ სტალინის ოთახი

ბ) პიონერ-აქტივის ოთახი;

გ) ბიბლიოთეკა სამკითხველო.

2) მხატვრული აღზრდის განყოფილება.

ა) მხატვრული კითხვებსა და ლიტერატურის წრე

ბ) დრამატული წრე;

გ) სასულე ოკრესტრის წრე;

დ) მომღერალთა გუნდი;

ე) მოცეკვავეთა წრე.



3) დასვენებისა და გართობის განყოფილება.

- ა) სათამაშო ოთახი;
- ბ) კინო-დარბაზი.

4) მეცნიერებისა და ტექნიკის დაუფლებების განყოფილება.

- ა) ნორჩნატურალისტთა წრე;
- ბ) რადიო;
- გ) ფოტო-ლაბორატორია.
- 5) სამხედრო-ფიზკულტურული განყოფილება.

- ა) ფიზკულტურის წრე;
  - ბ) სპაერო ქიმიური თავდაცვითი წრე;
  - გ) ნორჩ მსროლელთა წრე.
- ზემოაღნიშნული წრეები მუშაობას ატარებენ სათანადო პროგრამების მიხედვით.

8. პიონერთა და მოსწავლეთა სახლში პიონერები და მოსწავლეები ცხადდებიან კალენდარული დღეებისა და საათების მიხედვით.

9. პიონერთა და მოსწავლეთა სახლი ემსახურება არასრული საშუალო და საშუალო სკოლის პიონერებსა და მოსწავლეებს.

10. პიონერთა და მოსწავლეთა სახლის მომკმედ წრეებში აღიზიან წრეების სტაროსტები და ფიზკულტურის გუნდებისათვის კაპიტნები. მათ ფუნქციებს შეადგენს დაეხმარონ წრის ხელმძღვანელს წრის მუშაობის აღრიცხვაში, მორიგეობისა და შეგნებული დისციპლინის დანერგვაში.

11. პიონერთა და მოსწავლეთა პედაგოგიური აღმზრდელობითი მუშაობა ეწყობა პიონერთა და მოსწავლეების აქტივობისა და ფართო თვითმომკმედების საფუძველზე. ეს მუშაობა მიმართულია ბავშვთა კონიერ დასვენებისა და გართობისაკენ და სხვადასხვა წრეებში ბავშვთა შემოკმედებით მუშაობის მაღალი მაჩვენებლების მიღწევისაკენ.

12. ბავშვთა შორის ჩატარებული მუშაობის გამოცდილების შესწავლისა და განზოგადობის საფუძველზე პიონერთა და მოსწავლეთა სახლში ტარდება მასობრივი საკონსულტაციო და მეთოდური ხასიათის მუშაობა პიონერაზმების ხელმძღვანელების, პედაგოგებისა, და მშობელთათვის სკოლის

გარეშე მუშაობის სხვადასხვა საკითხებზე. აღნიშნულ მუშაობას სახლი ატარებს: ა) მეთოდური კონსულტაციის საფუძველზე სკოლის გარეშე მუშაობის საკითხებზე სკოლაში, კლუბებში და პიონერთა ოთახებში მისვლით;

ბ) კულტურულ-მასობრივი მუშაობის მოწყობის შესახებ ლექციების, მოხსენებების და საუბრების ჩატარებით სკოლებში, პიონერთა კლუბებში, ფორპოსტებში, პიონერთა ოთახებში ქალაქად და სოფლად;

გ) სახლის მუშაობის გამოცდილების განზოგადობის მიზნით დარგობრივი ხასიათის პერიოდული გამოფენების მოწყობით სახლში, სკოლებში და პიონერთა ოთახებში;

დ) პერიოდულად კვლის ვაშეთის გამოფენებსა და მასში თავისი მუშაობის გამოცდილების აღწერა-ვაშუქებით.

III. პიონერთა და მოსწავლეთა სახლის მმართველი ორგანო

13. სახლის სათავეში დგას დირექტორი, რომელსაც ნიშნავს და ათავისუფლებს საშემოდან საქ. სსრ განათლების სახალხო კომისარიატი. სახლის დირექტორად დაინიშნება ბავშვთა შორის მუშაობის არაკლებ 3—4 წლის სტაჟის მქონე პირი, რომელსაც უნდა ჰქონდეს უმაღლესი განათლება.

14. დირექტორს ყავს ორი მოადგილე, ერთი მეთადგოგიურსა, მეორე კი მასობრივ მუშაობის დარგში, დირექტორის მოადგილეებს და განყოფილებათა გამგეებს ნიშნავს და ათავისუფლებს საშემოდან საქ. სსრ განათლების სახალხო კომისარიატი სახლის დირექტორის წარდგენით, ხოლო დანარჩენ მუშაკთ ნიშნავს და ათავისუფლებს სახლის დირექტორი.

15. სახლის დირექტორი განაგებს და წარმართავს სახლის მუშაობას ამ ლებულები და მოკმედ კანონების საფუძველზე და ამ დირექტივების, ინსტრუქციებისა და ბრძანებების მიხედვით, რაც გამოცემული იქნება საქ. სსრ განათლების სახალხო კომისარიატის მიერ ბავშვთა შორის მუშაობის საკითხებზე.

16. პიონერთა და მოსწავლეთა სახლის დირექტორს აქვს შემდეგი უფლებები:

ა) სახლის კრებულების განკარგულებისა დამტკიცებულ ხარჯთაღრიცხვის ფარგლებში;

ბ) ანგარიშის გახსნისა სსრ კავშირის სახანკის ადგილობრივ განყოფილებაში;

გ) დამტკიცებულ ხარჯთაღრიცხვის ფარგლებში ხელშეკრულებებისა და შრომითი შეთანხმებათა დადებისა, იმ ამოცანების განსახორციელებლად, რაც პიონერთა და მოსწავლეთა სახლს ეკისრება;

დ) სახლის სახელით წარმომადგენლობის, როგორც სახელმწიფო, ისე საზოგადოებრივი და კოოპერატიული ორგანიზაციების წინაშე.

17. სახლის დირექტორი მოვალეა წარუდგინოს საქ. სსრ განათლების სახ. კომისარიატს წლიური და კვარტალური ანგარიშები და მომავალი წლისათვის მუშაობის გეგმა და ხარჯთაღრიცხვა.

18. პიონერთა და მოსწავლეთა სახლის ეწყობა სახლის საბჭო, დირექტორის (დადამხმარე), დირექტორის მოადგილის (დადანიშნულში), განყოფილების გამგეებისა, წრეების ხელმძღვანელების და მშობელთა წარმომადგენლის შემადგენლობით. საბჭო იხილავს პროგრამულ-მეთოდურ საკითხებს ბავშვთა შორის სკოლის გარეშე მუშაობის დარგში.

#### IV. პიონერთა და მოსწავლეთა სახლის სახსარი

19. პიონერთა და მოსწავლეთა სახლის სახსარი შესდგება:

ა) იმ თანხებიდან, რომელიც ასიგნებული იქნება სახელმწიფო ბიუჯეტით და;

ბ) იმ თანხებიდან, რომელზეც ასიგნებული იქნება სხვადასხვა დაწესებულება-ორგანიზაციების მიერ ბავშვთა შორის მუშაობის გაუმჯობესებისათვის.

## რ ე ბ უ რ ე ბ ა

### საგავშვო ბალთან არსებულ მშობელთა კომიტეტისა.

#### მშობელთა კომიტეტის დანიშნულება და ამოცანები.

1. იმ მიზნით, რომ საბავშვო ბაღს დახმარება ჰქონდეს ბავშვების მშობელთა მხრივ ყველა იმ ღონისძიებების გატარებაში, რომლებიც მიმართულია სკოლამდელი ასაკის ბავშვთა კომუნისტურად აღზრდისაკენ, საბავშვო ბაღთან ეწყობა მშობელთა კომიტეტი.

მშობელთა კომიტეტს შემდეგი ამოცანები ეკისრება:

ა) დახმარება გაუწიოს საბ. ბაღს შემდეგ ღონისძიებათა გატარებაში: პროდუქტების შექმნა, მშობლებისაგან კვების ფულის აკრეფა, კვების ხარისხის გაუმჯობესება, გამაჯანსაღებელი მუშაობის ორგანიზაცია სათანადო მოწყობილობათა—დიდაქტი-

კური მასალების და სათამაშოების შექმნა, სათბობი მასალებით მომარაგება და სხვა.

ბ) უზრუნველყოს მშობელთა სისტემატური კავშირი საბავშვო ბაღთან და მასთან ერთად იზრუნოს ერთიანი ხაზის დასამყარებლად საბ.ბაღსა და ოჯახში, სკოლამდელი ასაკის კომუნისტურად აღზრდის საქმეში.

გ) გაეცნოს ჯგუფების მუშაობას და მათ მეცადინეობაზე დაასწროს განსაკუთრებით ის მშობლები, რომლებიც მეტად საჭიროებენ ბავშვთა აღზრდის საკითხებში ვარკვევას;

დ) აქტიური მონაწილეობა მიიღოს და დახმარება იგაუწიოს საბ. ბაღს დღესასწაუ-

ლების ჩატარებაში: ბინის მოართვა, კონსტრუქციების შექმნა, სათამაშოებისა და საჩუქრების დამზადება და სხვ.

ე) ჩატაროს საბ. ბალთან ერთად შობლებს შორის პედაგოგიური პროპაგანდა აღმზრდელობით საკითხებზე პოპულარული ლექციების, გამოფენების, საუბრების, კონსულტაციების, გამოცდილებათა გაზიარების, საღამოების და სხვ. მოწყობით.

2. დახმარება გაუწიოს საბ. ბალს შობლების საზოგადოებრივპოლიტიკურ კამპანიებში აქტიურად ჩაბმაში, მოაწყოს ექსკურსიები სხვადასხვა ისტორიული მნიშვნელობის ადგილებზე და სხვა.

3. შობელთა კომიტეტი თავის მიმდინარე მუშაობაში ხელმძღვანელობს საქ. სსრ განათლების სახალხო კომისარიატის და განათლების განყოფილების განკარგულებებით, ბრძანებებით, ცირკულარებით და ინსტრუქციებით და საბ. ბალის გამგის მითითებებით.

4. შობელთა კომიტეტის მუშაობის გაუმჯობესების მიზნით რაიონის განათლების განყოფილება და სკოლამდელი ასაკის ბავშვთა აღზრდის მეთოდკაბინეტები სისტემატურად ატარებენ შობელთა კომიტეტის წევრთათვის ლექციებსა და მოხსენებებს ბავშვთა აღზრდის საკითხების ირგვლივ, აწუბენ გამოცდილების გაზიარების საღამოებს და სხვა.

### მშობელთა კომიტეტისა და მის წევრთა მუშაობის ხასიათი

5. შობელთა კომიტეტი ირჩევა საბ ბალის შობელთა საერთო კრებაზე ერთი ან ორ წარმომადგენლის არჩევით თითოეული რაიონიდან, ხმის უბრალო უმეტესობით.

6. შობელთა კომიტეტი ირჩევა ერთი სამუშაო წლის ვადით, არჩევნები ტარდება

საბავშვო ბაღებში სამუშაო წლის დაწყებასთან დაკავშირებით. ყოველდღიური თვე-რატიული მუშაობის ხელმძღვანელობას და წარმოებისათვის შობელთა კომიტეტი თავის რიგებიდან გამოაყოფს თავმჯდომარესა და მდივანს.

7. საბ. ბალის გამგის წლიური და ყოველთვიური გეგმების საფუძველზე სდგება შობელთა კომიტეტის სამუშაოს გეგმა, რომელსაც ამტკიცებს საბავშვო ბალის გამგე.

8. შობელთა კომიტეტის და შობელთა საერთო კრების დადგენილებანი, რომლებიც შეიცვენ საბ. ბალის მუშაობის კონკრეტულ ღონისძიებებს მტკიცდება საბ. ბალის გამგის მიერ.

9. შობელთა კომიტეტს საბ. ბალის გამგესთან შეთანხმებით შეუძლია ჩამოაყალიბოს ცალკეული საკითხების მოსაგვარებლად ღრობითი კომისიები—მაგ. დღესასწაულის ჩატარებისათვის, ბავშვების საავრაკოდ გაყვანისათვის და სხვ.


10. შობელთა კომიტეტს მუდმივი კავშირი აქვს რაიონის საბჭოს კულტ სექციასთან და იგი თავის მეშვეობით ატარებს საბ. ბალისათვის საჭირო ღონისძიებებს (ბინის შეკეთება, გათბობა და სხვ.).

11. შობელთა კომიტეტი მონაწილეობას იღებს საბავშვო ბაღების პედაგოგიურ და საწარმოო თათბირებზე.

12. შობელთა კომიტეტი შობელთა საერთო კრებას უდგენს ანგარიშს თავის მუშაობის შესახებ წელიწადში ორჯერ.

13. შობელთა კომიტეტი პერიოდულად ისმენს თავის წევრების მიერ ჩატარებული მუშაობის ანგარიშს.

14. იმ შემთხვევაში, თუ შობელთა კომიტეტის ცალკეული წევრები აქტიურ მონაწილეობას არ იღებენ კომიტეტის მუშაობაში, ისინი შეცვლილ უნდა იქნენ სხვა, აქტიური მშობლებით.



15. მშობელთა კომიტეტის წევრებს უნდა ჰქონდეთ თავისი სამუშაო გეგმა, რომლის მიხედვით ისინი მუშაობას აწარმოებენ.

16. მშობელთა კომიტეტის წევრები თავის მუშაობას უკავშირებენ ჯგუფების აღმზრდელებს და იზიდავენ თავის მუშაობაში ყველა მშობელს.

17. მშობელთა კომიტეტის წევრების დასწრება ჯგუფების მეცადინეობაზე შეიძლება მხოლოდ საბ. ბაღის გამგის ნებართვით.

18. მშობელთა კომიტეტის წევრები საბ. ბაღის გამგის დავალებით ეცნობიან ავრე-

თვე ოჯახებში ბავშვების აღზრდის პირობებს და საჭიროების შემთხვევაში მხარეობიან საბავშვო ბაღს აღნიშნული მუშაობების გაუმჯობესებაში.

19. მშობელთა კომიტეტს აქვს მშობელთა კომიტეტისა და მშობელთა საერთო კრებების სხდომების ოქმები.

საქ. სსრ განათლების სახალხო კომისარო  
ბ. კიკნაძე

სკოლამდელთა აღზრდის სამმ. უფროსი  
პ. რატიანი



პ/მგ. რედაქტორი ბ. კივირიძე	პ/მგ. მდივანი ხ. ცაიშვილი
გადაეცა წარმოებას 23/IV 40 წ.	ზელმოწერილია დასაბეჭდად 14/V 1940 წ.
მთავლიტის რწმუნებულის № 2363	შეკვეთის № 1217 ტირაჟი - 5.000